

aussi la response que j'en ay faicte. J'ay sceu de Romme que nostre dit saint père a envoyé au Roy des Rommains (1) et d'Espagne (2) et seigneurie de Venize ensemble bref à ce qu'ilz me veuillent persuader et enhorter de laisser mon entreprinse de mon royaume de Napples, je suis délibéré de les advertir surce et leur envoyer le double de la response que j'en ay faicte et pareillement les causes et raisons qui me mènent à ce faire et cognoistront que j'ay droit et raison d'ainsi le faire. J'ay ordonné le s^r du Bouchage pour aller devers vous pour ladite entreprinse et autres matières (3), et pareillement envoyé Péron de Basche (4), mon maistre d'ostel, à Romme, le s^r de Morvillier à Venize, et à Florence ung autre de mes maistres d'ostel nommé Gérard d'Ancezone, lesquelz passeront par vous pour vous communiquer leur charge et demoureront sur les lieux pour donner ordre et m'advertir du tout, et je leur ordonneray ce qu'ils auront à faire. Et incontinent après je depescheray le mareschal d'Esquerdes (5) bien accompagné qui vous ira veoir et

(1) Maximilien I^{er}, empereur d'Allemagne.

(2) Ferdinand V le Catholique.

(3) Un historien dit que Du Bouchage fut dépêché vers les Vénitiens. (Cf. *La tres curieuse et chevaleresque hystoire de la conqueste de Naples par Charles VIII*, publ. par Gonon ; Lyon, Savy, 1842, in-8, p. 17.)

(4) Perron de Baschi, originaire d'Orvieto, serviteur de René d'Anjou (Cf. *Commynes et Sismondi, Histoire des Français*, tome XV, p. 151.)

(5) Philippe de Crévecœur, baron d'Esquerdes, maréchal de France en 1492. Il tomba malade et mourut sans avoir accompli sa mission. Le fait est raconté ainsi dans l'*Hystoire de la conqueste de Naples*, p. 8 :

« Et comme le roy vouloit partir pour aller à son royaulme de Naples une maladie print monseigneur Desquerdes, tellement qu'il ne peut aller avec le Roy, et fut ordonné qu'il retournast en Picardie dout il estoit natif a cause que lair luy estoit plus sain. Et en retournant il mourut à la Bresle a trois lieux de Lyon. Le corps fut mis en ung luiseau de plomb, et comme il avoit commande estre porte a Boulongne sur la mer a cause quil avoit devotion a Nostre Dame de Boulongne ou il avoit en sa vie fait des grans